

Uunga

Siunnersuut: Sumiiffinni immikkut toqqakkani takornariartitsisarnernut akuersissuteqartarneq pillugu Inatsisartut inatsisaat

Naalakkersuisut allannguutissatut siunnersuutaannut

ALLANNGUUTISSATUT SIUNNERSUUT

Pingajussaaneerinninnermut Inuussutissarsiornernut Aatsitassanullu Ataatsimiititaliami amerlanerussuteqartunit Inuit Ataqtigiit, Siumup Atassutillu ilaasortaataitaannit saqqummiunneqartoq.

Nr. 2-mut

1. Nr. 2-mi § 27, imm. 1, imatut oqaasertalerneqassaaq:

” Akiliisitaanermik pineqaatissinneqarsinnaavoq:

- 1) isumannaallisaanermut pilersaarummik takornarianut kalaallisut tuluttullu saqqumisitsinnginnikkut § 14, imm. 3-mik unioqqutitsisoq,
- 2) tamatumunnga ingerlatsinissamut pilersaarummik Naalakkersuisut akuersiseqqaartinnagit ingerlatanik aallartitsinikkut § 17, imm. 1-imik unioqqutitsisoq,
- 3) inuussutissarsiornermi akisussaaneermut sillimmasersimannginnikkut allatulluunniit qularnaveeqqusiiimannginnikkut atugassarititaasunik § 15, imm. 1 naapertorlugu aalajangersarneqarsimasunik unioqqutitsisoq,
- 4) paasissutissanik oqartussap il.il. pinngitsoorani pigisasaanik eqqunngitsunik paatsiveerussaataasinnaasunilluunniit tunniussinikkut § 6, imm. 1-imik unioqqutitsisoq,
- 5) ingerlatat takornariartitsisarnernut akuersissummut ilaatinneqartut pillugit nalunaarummik Naalakkersuisunut nassiussinnginnikkut § 18, imm. 1-imik unioqqutitsisoq.”

Nalinginnaasumik nassuiaatit

Allannguutissatut siunnersuummut allannguutissatut siunnersuutip kingunerissavaa aalajangersakkanik pineqartunik unioqqutitsinerit akiliisitaanermik pineqaatissiissutaasinnaassammata, aamma unioqqutitsineq mianersuaalliornerinnakkut pisimagaluarpat.

Allannguutissatut siunnersuummut allannguutissatut siunnersuut taamaalilluni allannguutissatut siunnersuummi § 27-mit assigiinnngissuteqarpoq, taannami malillugu taamaallaat piaaraluni mianersuaalliorujussuarluniluunniit unioqqutitsinerit akiliisitaanermik pineqaatissinneqarsinnaammata.

Aalajangersakkat pineqaatissartallit malinneqarnissaasa sakkortusarneqarnissaat taamaaliornikkut siunertarineqarpoq.

Taamatutaaq allannguutissatut siunnersuummut allannguutissatut siunnersuutikkut erseqqissarneqarpoq iliuutsit pinngitsuinerilluunniit suut aalajangersakkanut pineqaatissartalinnut ilaatinneqarnersut. Taamaaliornikkut aalajangersakkap imarisamigut allanngortinneqarnissaa siunertarineqanngilaq.

Allannguutissatut siunnersuummut allannguutissatut siunnersuut aningaasatigut allaffissornikkullu kinguneqassanngilaq.

Aalajangersakkanut ataasiakkaanut nassuiaatit

Nr. 1-imut

Allannguutissatut siunnersuummut allannguutissatut siunnersuutip kingunerissavaa aalajangersakkanik pineqartunik unioqqutitsinerit akiliisitaanermik pineqaatissiissutaasinnaassamata, aamma unioqqutitsineq mianersuaalliornerinnakkut pisimagaluarpat.